

КОМСОМОЛЬСКОЙ ОРГАН'ЕСТЫ БЫР'ЕН'ЕСТЫ ОБРАЗЦОВО ОРТЧЫТОНО

15-ти сентябрьсен 1-ти ноябрь 1938 арын комсомольской орган'еслэн отчетно-выборной кампанызы ортчо. Комсомоллэн улонназ со важнейшей мероприятие бадзым событиен луэ. Комсомолец'еслэсь бдительностьсэс жу-тон, политической воспитанизэс кужмоятон, комсомольской хозяйствез образцовой порядке карон, первичной комсомольской организациослэсь ужзэс умоятон, ВЛКСМ-лэсь 20-ти годовщиназэ достойно пумитан—тйни кыче уж'эс сыло комсомольской орган'есты быр'ен'эс но со-слэн отчет'эссы азын.

Комсомоллэн районной организациез отчетно-выборной ужез ортчытон борды кутскиз ни. Комсомольской орган'есты быр'ен'эслэн порядок'эсыз сярысь ВЛКСМ-лэн ЦК-езлэсь инструкцизэ изучать карон ласянь али дыре котькуд организациосын комсомолец'еслэн собраниоссы ортчыло.

Али дыре котькуд комсомольской организацилэн аязсылысь ужез луэ комсомольской организациослэн отчетно-выборной собраниосазы 100 процент'ем активноты участизэ обеспечить карон, организацилэн ужезлэн тырмытэосыз котырти большевистской критикаез но самокритикаез вольмытон уж'эс.

Первичной комсомольской организациослэн секретарь'эссы организацилэн ужамез сярысь али ик отчет'эс составить карон борды кутскины кулэ ни. ВЛКСМ-лэн ЦК-езлэсь 4-ти но 5-ти пленум'эсызлэсь решениоссэ быдэстэм улскын отчет'эс составить каремын луыны кулэ. Озы бере, вань комсомолец'еслы валэктыны кулэ; кызы первичной комсомольской организациа ужаз но ужа калык'еслэн тушмон'есынызы нюр'яскон ласянь, кызы котькуд комсо-

молецлэн бдительностез жу-тйське, кызы комсомол нюр'яске юон но бытовой разложение факт'эсын.

Комсомол пушкын кема чоже орудовать карыса ульсь калык'еслэн тушмон'ессы пьянкаен но бытовой разло-жении нюр'ясконлы пумит мынйзы. Соос сыче теориез проповедывать карылзы, что быт комсомолецлэн частной ужез, пе, организацилы со касаться уг кариськы шуыса. Шарканской организациа ни-маз-нимаз комсомолец'еслэн юон но хулиганство факт'э-ты трос иметь каре. Чик же-гатскытэк, вань кужымен со факт'эсты быдтоно. Комсомо-лец'эс социалистической был-лэн образценыз луыны кулэ.

Калык'еслэсь тушмон'ессы нырысь ик отысь утчано, кы-тын ке комсомольской орга-низациа ляб ужа. Одыгез гинэ тодмо, кытын ке комсомоль-ской организацилэн секретарез Ленинлэн—Сталинлэн партиезлэн ужезлы пумозы преданной, отын ик комсо-моллэн боевой ужез но вань.

Кызы лыд'ялод нормаль-ноен сыче факт'эсты, кыл-сярысь, райзоысь комсомоль-ской организацилэн секре-тарез Усков эш, комсомоль-ской собрание случайсы случае гинэ люкалла, соосты но соку гинэ люкалла, кукке комсомоллэн райкомез орт-чытэ. Комсомолец'эс полит-школае уг ветло. Членской взнос'эс дыраз уг октйсько. Комсомолец'еслэн нокыче инициативазы проявить каре-мын овол. Шарканской МТС-ын ужзы сыче дорож вуиз, что комсомолец'эсты собра-ние райкомол люкано луиз. Политшколазы (пропагандист Шумилов) 8 толэз кустын одыг пол но оз люкасыкылы. „Сеятель“ колхозысь комсо-молец'эс но ачиз секретарь Воронцов, 6—7 толэз чоже взносэс уг тыро ни.

Луоно отчетно-выборной собраниосын котькуд комсо-молец'эс тырмытэосты быд-тон ласянь чурятэсь требо-ваниос пред'являть карыны кулэ. Вунэтоно овол, что калык'еслэн тушмон'есынызы нюр'яскон комсомольской организациослэн нуналмись ужзы луэ шуыса. Озы бере сое кыче ке но кампаниез сямен ортчытыны уг яра.

Комсомолец'эсты валэктоно, кызы организациа комсомол-ысь куян'эс дыр'я лэстэм ян-гыш'эссы тупатэ, кызы разо-блачаться карисько комсомол пушкысь клеветать карисько. Кызы комсомольской органи-зациа комсомолец'еслэсь по-

литической дышетсконзэс ор-ганизовать каре.

Али дыре Сталин эшлэн непосредственной кивалтэм улсаз ВКП(б)-лэн историез-лэн краткий курсэз „Правда“ газетэ печатлаське. Комсо-молец'эсты воспитать кары-ны ценнейшой сокровищнице луэ со. Комсомолец'эс но егит'эс пöлын сое изучить каронэз чик жегатскытэк ор-ганизовать кароно.

Асьме комсомольской ор-ганизацимы будон понна бад-зым база—умоесь егит-стаха-новец'эсвань. Озы ке но, уно-ез организациос туж ляб бу-до. „Виль скорес“ колхозысь комсомольской организациа 1937—38 ар'эс кустын ком-сомолэ одыг муртэ но оз ку-ты. Нош егит'эс полысь отың 15 стахановец'эс лыд'ясько. Комсомоллэсь будонзэ коть-кытын ик умой-умой органи-зовать кароно.

Комсомольской организа-циослы егит'эслэсь шызэт-сконзэс шонер организовать кароно. Клуб'эслэсь, лыдзон коркаослэсь ужзэс умоатыса егит'эс пöлын политической уж нуоно.

15-ти октябрысен комсо-мольской билет'эсты вош'ян кутс оз. Со дырозь, чик же-гатскытэк комсомольской хо-зяйствез порядке привести кароно. Али дыре районысь-тымы организациаымы доку-мент'эсты воштонлы дась овол на. Унояз первичной ор-ганизациосын документ'эссы кытын ке луэм храниться карисько. Уноез комсомолец'эс билет'эс ыштыло. Райкомол-ы но документ'эсты хранить карон та дырозь уш'ямон ой вал. Кемалась ик овол, 10185 номеро временной удостове-ренилэн бланкаез ыштэмын. Со бланкалэн кытын луэмез али но тодмо овол.

Наконец, комсомольской организациослэн секретарь'эс-сылэн отчет'эсазы ВЛКСМ-лэн 20-ти годовщинаез азелы дасьясконлэн мынэмез, ста-хановец'эслэн будэмзы, соц-соревнование, оборонной но физкультурной уж'эс возьма-тэмын луыны кулэ.

Секретарьлэн отчетэз—со бадзым уж. Сое али ик дася-ны кутсконо. Комсомольской орган'еслэн отчет'эссы но выбор'эссы озы ортчыны ку-лэ, кызы куре асьмелэсь большевистской партия,

Комсомольской организа-циосын кивалтыны уж вылын эскерем мурт'эс, Ленинлэн—Сталинлэн партиезлэн ужез-лы пумозы преданной ком-сомолец'эс быр'емын луыны кулэ.

Коньдон огазеанэн бере кыле

Районысь куд-ог колхоз'эс государстволы коньдон тыро-нэз кулээн уг лыд'яло. Кыл-сярысь „Маяк“ колхоз 1-ти сентябрьозь заём'я 0,03 про-центлы, налог но страхово-вой тыронэз 14,4 процентлы гинэ тырмытэз. Колхозлэн предсе-дателез коньдон тырон понна скулмасыкытэк, коньдон овол шуыса, буйгатскыса улэ. „Че-люскино“ колхоз налог'я но страхово-вой 0,6 процентлы гинэ быдэстэз „Кусогурт“ кол-хоз налог'я но страхово-вой 32 процент, заём'я 0,02 процент, „Гидсошур“ налог'я но стра-хово-вой 22 процент, заёмез нош нокöняно тыремын овол. Та колхоз'эс коньдон огазе-янэз жегатыса, районэз бер-лань кыско.

Районамы коньдон огазе-анэн пример возьматэсь кол-хоз'эс но вань. „Доброволец“ колхоз заём'я 100 процентлы но мукет тыронэн 125 про-центлы тырмытэз ни. „Вуко-гурт“ колхоз налог но стра-хово-вой тыронэз 72 процентлы быдэстэз ни. Бере кылись колхоз'эслы „Доброволец“ но „Вукогурт“ колхоз'эслэсь пример-басытыны кулэ.

П. Паревозчиков.

НАТУРОПЛАТА, ПЕ, ТЫРОНО ЛУОЗ

Районысьтымы азымынсь колхоз'эс кутсаськонзэс йыл-пум'яло ни. Нош „Вукогурт“ колхоз гызмыльтыса ужаме-ныз, кутсаськонзэс 25 процент-лы сяна оз быдэсты на. Кол-хозлэн председателез Шкляев, натуроплата тыроно луоз шуы-са МТС-лэн „МК-110“ кутсась-кон машинаезлэсь отказать кариськиз. Али дыре пичи машинаен гинэ кутсаськыса уло. Сөин сэрен, кутсаськон борды ужась кужым но уно быре, производительностез но ляб. Ужась кужымез ку-лэз'я использовать карым-тэнызы, мукет уж'эс но бе-ре кылемын. Та дырозь ара-зы но бырымтэ на. Кон.

Советской Союзлэн город'естиз.



Суред вылын: Калмыцкой АССР-ысь, Элист городысь ветеринарной институтлэн средней школалэн юртэз.



Суред вылын: Калмыцкой АССР-ысь, Элист городысь ветеринарной институтлэн юртэз.

Государстволы нянь сөтөнэз жегатыса уло

Государстволы нянь тыронэн самой берло, быж йылын кысътйськысь колхоз „Сосновка“ луэ. Государстволы обязательной поставкаен 10 сентябрь азе 19 процент сяна быдэстэмын өвөл на. Натуроплата одйг килограмм но тырымтэ. Ссудаез берыктон 2 процентлы гинэ тырымтэмын. Колхозлэн председателез Соколов, колхоз ужез организовать карыны быгатымтэныз, ю октон-калтон туннэ но быремын өвөл на. Соин сэрэн, государстволы нянь тыронэз жегатыса возе.

„Андан“ колхозын но уж талэсь умой ик өвөл. Государстволы обязательной поставка, натуроплата но ссудаез берыктон'я нянь тырон 24 процентлы гинэ быдэстэмын.

Сталинлэн нимчыныз нимама колхоз 26 процент, „Шорыр“ колхоз 34 процентлы гинэ государстволы нянь тыронэз быдэстйзы. Мар малпаса пуко бен та колхоз'эслэн председател'эссы? Районысьтымы тросэз колхоз'эс государстволы нянь тыронэз тырымтйзы ни. Тани „Светлый путь“ „Двигатель“ „Липовка“ колхоз'эс обязательной поставка, натуроплата но ссудаез берыктон'я государстволы нянь тыронэз 100 процентлы быдэстйзы ни. „Сосновка“ „Андан“ „Шорыр“ но Сталинлэн нимчыныз нимама колхоз'эс государстволы нянь тырон понна уг сюлмасько. Азымынйсь колхоз'эс сёры уиськыны уг тыршо.

Осипов.

Райздравлэсь ужзэ критика улэ басьтоно

Асьме районысь колхозник'эс но мукет ужасьёс здравоохраненилэсь умой ужамзэ куро. Районын социально-быт'овой висён'эсыз эм'янын та дырозь кулэ ужрад кутэмын өвөл на. Та ужлэсь лябзэ туэ ортчём Красной Армии призыв но возьматйз. Призывник'эс пöлысь трахомаен висьсыёс шедьылйзы. Трахома-тозной инспектор'эс уж борды өз кутске на. Инспектор Перевозчиков К. трахпункт'эслэсь ужзэс умятэти интые юыса улэ. Здравоохраненилэсь секциоссэ уж вылэ пуктыны уг быгаты, Казесской сельсоветын секция одйг пол но өз люкаськылына.

Азыланаз ужез тупатон понна колхозной собраниосын трахомозной сестраослэсь отчет'эссэс кылзоно, кустовой трахинспектор'эслэсь но фельдшер'эслэсь сельсоветлэн пленум'эс аз отчетсэс кылзыса, здравеохраненилэсь ужзэ критиковать кароно.

Новоселова

Етин ужын луись пожар'есын нюр'яськоно

Колхоз'эс етин сэстон борды кутскизы ни. Нош тросэз етин сэстон пункт'эс пожарен нюр'яськон правилоос'я лэсьтэмын өвөл. Туэ куазь кёс, соин ик пожарен нюр'яськон ужез умой пуктэм кулэ. Кылем арын пожарлы пумит правилоос'я ужамтэен, трос етин но етин куаьстон интыос сутскыса быремын. Туэ таёе уродэ усён'эслэсь палэнскон понна таёе правилоосты тодыны кулэ:

Етин сэстон интыос улон коркаослэсь но мукет гидкуаослэсь 40 метрлэсь матын медаз луэ. Конной двор'эслэсь, МТФ-ослэсь 200 метр, СТФ-ослэсь 500 метр, ю возён склад'эслэсь 75 метр но грубой корм'эсын склад'эслэсь 200 метрлэсь матын медаз луэ.

Правилоосты чакласа, нимысьтыз тупатэм интыосын гинэ етин сэстон лэизьске. Тупатымтэ гуро сушилкаосын етин куаьстыны уг яра.

Сэстон доры одйг пол куаьстымонлэсь трос етин люканы уг яра.

Сэстон машинаосын умой чакласа ужано, вöятэк бергаса пожар медаз поты. Машинаосын ужан дыр'я приводной ремень зыраськыса, ста-

тистической электричествоос потыса пожар'эс луэмлэсь машинаосты заземлять карылоно.

Етинэз куаьстон дыр'я сушилкаосын цельсия 70 градуслэсь пöсь медаз луы.

Сушилкае етин куаьстыны тыремлэсь азыло сое жаглэсь но пыльлэсь сузяно, гурлэн пилиськем вис'эсыз вань ке, горд сюен лякылоно. Со понна горд сую дасямын луыны кулэ.

Етин ужан интыосын освещение электрической яке сеткаосын „Летучая мышь“ фонар луыны кулэ. Фонарез етин куаьстон интые пыртылытэк турттоно, сёе пожар потонлэсь кышкыттэм интыосы юнматано.

Етин куаьстон интыын тамак кыскон'эсын но спичка тыл жуатон'эсын зол нюр'яськоно.

Етин куаьстон но сэстон интыос пожар кысон средствоосын но инвентар'эсын снабдить каремын лунны кулэ. Огнетушитель яке 2 бочка ву (300 литыр'емес) 7—8 ведраос, корт саник'эс но ручной пожарной насос'эс луыны кулэ.

Районысь пожарной инспектор. Д. Князев.

Юыса „ужамлэн“ бервылыз

Та уж август толэзлэн 27-тй нуналаз вал, ю октон-калтонлэн самой пöсь дыр'яз. Колхоз уж понна сюлмаськысь колхозник'эс бригадирлэсь косэмзэ возьматэк, бусые ужаны мынэмын вал ни. Нырысетй бригадаысь бригадир Князев Н. Ф. шунды вылэ вуэм бере колхозник'эс доргй ужаны ыстыса ветлэ. Колхозник'эсыз дорысьтызы уг шедьты.—Кинэ бен машинаен араны ыстом таёе,—абдраса ульчаын сылэ со. Ульчаейт төл шоналлям кадь тул-вод шоналляськыса, Князев Александр лыктэ. Бригадир трос малпаськытэк, Алексан доры мынйз.

—Тон машинаен араны мын вал.

—Бен кызы озы!?— пумит луиз Алексан.—Мон юыны кутскем вал. Туннэ одйг но уже мыныны мыл уг пот ни.

—Юонэд уз жега, мын гинэ. Машинаез тэк сылэтыса умой уз луы ук. Ачим тон дорад вина ваё, соку шутэтскон сямен чөшен юом.

—Я бен, озы ке мыно. Только эн пöя...

Бригадирен но Алексанэн тупазы. Аран машина борды чунио коблаез кытскизы. Чуньызе но сьбразы ик кутйзы.

Бригадир пöяса өз вераськы, лудэ вина вуттэмын вал. Алексанлэн синмыз уката ик чуж-вож адзыны кутскиз, валзэ гинэ висьтэм кадь улляна. Солэн шоналляськемезлэсь кышкаса, чуньы машина вискы пыриз но, кыксэ ик пид'эсгэ вандйз. Колхозлэн правлениез колхозной ваньбурез быдтйсь мурт'эслы но кычёе но ужрад өз куты, сёсырмем чуниез вандйзы но, соин буйгатскизы.

Таёе ляб кивалтэмен колхозын уж куашкамын. Дисциплина өвөл. Туннэ дырозь вика но му вылаз турнатэк кылле, солэн кидысэз кичкыса быремын ни. Колхозын уробо тйрлык уже кутылыны ярантэм сöрылэмын. Уробо колёса интые, аран машиналэсь колёсаоссэ тырыса ветло.

„Кр. Заря“ колхоз 3.

Колхозэн кивалтись овол

Петунька сельсоветысь „Муш“ колхозын 10 гектар вика турнамтэ на, солэн кидысэз му вылаз кичкыса быремын ни. Озы ик клевер кидыс но аратэк му вылаз улэ. Колхозлэн председателез Воронцов ужез уг кивалты.

Чем дыр'я колхоз ужез кивалтонлэсь палэнскыа, аслэсьтыз ужзэ ужа. Куиньметй бригадалэн бригадирез Бехтерев Иван колхозник'эслэсь трудоденьсэс гожтытэк кельтылэ.

Лымы улэ гырон жоген йылпум'я- мын луыны кулэ

Лымы улэ вазь но мур гырыса; унолы удалтонлык жутске. Сое котькуд колхозник но единоличник, валэкгытэк но, туж умой тодо. „Идеал“ колхозын лымы улэ вазь гырем вылэ кизем чабей 80 гектарысь быдэн 15 центнер урожай басьтэмын. Со сяна, лымы улэ гырон—муз'емлэсь структуразэ умятэ но тулыс кизёнэз капчатэ.

Озы ке но, туэ лымы улэ гырон чидантэм ляб мынэ. 28 сюрс га гырон интые 3,5 сюрс га гинэ гыремын. „Бакино“ колхоз туннэ нуналозь та уж котыре чик өз кутскылы на. Петунька сельсоветын—5 процентлы, Шаркан сельсоветын—9 процентлы гинэ гыремын. „Чужегово“, „Искра“ но „Горд партизан“ колхоз'эсын трактор'эсты витьыса, гырытэк уло.

Ужлэн таёе тревожной положениез лымы улэ гыронэз сантэмам улкысь потэ. МТС-эслэн директор'эссы—Помыткин но Токарев—гыронэз кык сменаен организовать өз каре. Тракторист'эслы кулэ условиос кылдытымтэ. Сельсовет'эслэн но колхоз'эслэн председател'эссы, МТС-эс сямен ик, „муз'ем кёс, плуг уг мертчы“ шуыса буйгатскыса уло.

Сыёе сисьмем настроениосты али ик пазьгыса, лымы улэ гыронэз озы организовать кароно, чтобы со уж матысь 10 нунал'эс куспын йылпум'ямын мед луоз.

П. Иванов.

Силь тыронэз бы- дэстон понна нюр'- яськоно

Государстволы сйль тырон бадзым политической значение иметь каре. Нош тросэз сельсовет'эс талэсь значенизэ валатэк, государстволы сйль тыронэз кулэ ужез уг лыд'яло. Казесской сельсовет сйль тырон планзэ 31 процентлы гинэ быдэстйз. Суриновской сельсоветын но уж талэсь пöртэм өвөл, единоличник'эс татын одйг килограмм но государстволы сйль өз тыре на. Таёе факт сельсоветлэн председателезлэсь единоличник'эслэсь палэнын луэмзэ возьматэ. Сельсоветлэн ваньмыз сйль тыронэз 36 процентлы гинэ быдэстэмын.

Шаркан, Сосновка но Зортчино сельсовет'эслэн но ужзы уш'ямон өвөл. Та сельсовет'эслэн гызмыльтыса ужаменызы сйль тыронэн районмы бере кыле. Сйль тыронэз тупатэм дыре быдэстон понна по-большевицски нюр'яськоно.

Ф. Д.

Отв. редактор П. АРИСТАРХОВ
Поттйсь РАЙСПОЛКОМ.